



DET KONGELEGE
KLIMA- OG MILJØDEPARTEMENT

Statsråden

Stortingets President
Karl Johansgt 22
0026 OSLO

Dykkar ref

Vår ref
20/2239-

Dato
7. juli 2020

Svar på spørsmål nr. 2143 til skriftlig svar frå stortingsrepresentant Tor André Johnsen - tal på drepte husdyr i rovviltangrep

Eg viser til spørsmål nr. 2143 til skriftleg svar frå stortingsrepresentant Tor André Johnsen, som lyd:

"Kan statsråden gi en oversikt over hvilke tall regjeringen bruker om antall drepte husdyr i rovdyrangrep i 2005, 2009, 2013, 2017 og 2019?"


Forvaltninga nyttar tal på dokumenterte og erstatta tap av husdyr til rovvilt. Feltpersonell i Statens naturoppsyn (SNO) undersøker funn av husdyr der det er mistanke om angrep frå rovvilt. Husdyr som SNO konkluderer med at er "dokumentert" eller "antatt sikkert" drepte av rovvilt blir omtalte som dokumenterte tap. Det blir gjeve erstatning der husdyr er dokumentert tapt til rovvilt eller det er ein overvekt av sannsyn for slikt tap, jf. forskrift om rovvilterstatning for husdyr §§ 6,7 og 8, so framt dei andre vilkåra etter forskrifta er oppfylt.

Desse tala er samla i Rovbase, ein allment tilgjengeleg database med kartfesta registreringar av observasjonar og skadar etter rovvilt. Innhaldet i Rovbase blir oppdatert av fylkesmannen i respektive fylke, SNO og Norsk institutt for naturforskning (NINA), i tråd med Noregs nasjonale overvåkingsprogram for rovvilt.

Tal for husdyr (sau og lam) dokumenterte og erstatta som drepte av rovvilt i åra stortingsrepresentanten spør om er som følgjer:

Ár	Erstatta husdyr	Dokumenterte tap
2005	32 848 (5 622 sau og 27 226 lam)	2 715
2009	34 391 (7 074 sau og 27 317 lam)	2 681
2013	30 936 (5 541 sau og 25 395 lam)	2 322
2017	18 371 (3 258 sau og 15 113 lam)	1 626
2019	17 476 (2 873 sau og 14 603 lam)	1 263

Med helsing



Sveinung Rotevatn